


ISPORTELLU
SPORTELLO

de Simaghis



LINGUÌSTICU
LINGUISTICO

di Simaxis

Carnovalli a Simaghis

Sa novidade isperimentada pro Nadale candu pro sa prima borta totu is associatzionis de Simaghis ant triballadu impari pro animari sa Paschixedda, s'est repìtia pro su carnovalli. Is associatzionis chi ant partetzipadu sunt:

- ❖ CIRCOLU ACLI
- ❖ M.ID.EL FORNIDURAS DE MARCU E TANIELI ATZORI
- ❖ PRO-LOCU
- ❖ SVS
- ❖ AVIS
- ❖ BOCCIOFILU
- ❖ I.S.T.E.L.L.A.S.
- ❖ SINNOS
- ❖ O.F.T.A.L.

Su 21 de friaxu s'est organizada una isfilada, (carrus allegoricus, grupus, mascheras solas e allobadas), chi est passat in medas arrugas de Simaghis cantendi e badendi a musica arta potendi allegria in tottu sa bidida. Apustis is associatzionis ant donau zipuas pro totu sa tzente chi s'est ispassiada meda cun giogus e ballus sardus e pro finiri s'est premiadu su carru, su gruppu, sa maschera sola e allo bada prus bellas.

Totu is assotzatzionis in pari anti organitzadu puru un'atera manifestazioni chi si fait solu in Simaghis: Sa coja de tziu Damus.

Custa est unu contu sutzediu diaderus in sa bidde de Simaghis e fuedat de sa coja de tziu Damus Dottu e de tzia Susanna Frau. Tziu Damus fiat su grideri chi gettat su bandu in totu is gruxeris de sa bidde, ma fadiat s'interramotus e su moentraxiu puru. Onni mengianu portat is molentis de tottu sa bidde a s'arei, e a s'iscurigadroxu torrante onni unu a su meri suo. Sa paga fiat unu imbudu de trigu a s'annu pro onni molenti.

Tziu Damus fiat unu omini poveriteddu, ispriuzzidu, sempiri iscrutzu e is peis totu iscachedaus. Piticcheddu e de maba priuxia fiat totu afrungillonadu e non portada mancu pibiristas in ogus.

Tzia Susanna fiat una bella femina atta e sinuda, bianca e arrubia e una bella meri de 'omu puru.

Faccia a su 1922 si fiant fatus a isposus e si boliant cojari, ma fiant poverus meda e non podiant cumbidari a nixunus. In saras tziu Damus iat pentzadu de gettari sa grida, a chi totu boliat andari a sa coja sua, fiat beni beniu ma si depiat portai cosa de pappai, prattu, frochitta, gutteddu, binu nieddu e iscanu de setzi puru.

Totu sa bidde, arricus e poverus, aiant pigadu parti a sa coja issoro e fiat arrannexu unu bellu isposoriu, chi non si fiat mai cannotu in antis.

Dae unu iscàntu annu a custa parti, pro su carnovalli s'arragodat sa coja de tziu Damus e de Tzia Susanna. Unu omini basciu fait tziu Damus, una bella picciocca atta, fait tzia Susanna e tottu sa popolatzioni de Simaghis, e istrangius puru, andat a sa coja bestendisiri comenti fiant ne is tempus issoro. Si fait su giru de is arrugas de sa bidde frimendisiri vatu vatu ne is istatzus organitzadus dae is assotzatzionis pro cumbidari tottu sa tzenti e pro ascutrari e biri is piccioccheddus dae is iscolas maternas e de is elementaris chi ocannu anti cantadu e baddadu (preparadus de is maistas de iscolas e dae is espertus esternus e gratzia a su dinari donadu de su Comunu de Simaghis). Apustis andaus a "tzentru sotziale", onni unu portat cosa de papari e de buffari e si papat totus impari e si ispassiaus meda, pappendi, buffendi e badendi ballus sardus.